

Mensahe 4

**Makaila ni Cristo nga Malangkobon-sa-tanan  
ug Magtubo sa Pagtubo sa Dios**

Basahong Kasulatan: Col. 1:18, 27-28; 2:2-3; 3:1-4

- I. Panalangin kanang makaila ug makasinati ta ni Cristo nga malangkobon-sa-tanan ingon sa gipadayag sa Colosas:**
- A. Si Cristo “ang Ulo sa Lawas, sa iglesia;...aron mag-una Siya mismo sa tanang butang”—1:18:
1. Sa daan ug bag-ong kabuhatan, si Cristo ang una ug ang nag-una.
  2. Sa uniberso ug sa iglesia, si Cristo ang una sa tanan.
- B. “Si Cristo nga naa ninyo, ang paglaom sa himaya”—v. 27:
1. Si Cristo, nga nagpuyo sa atong espiritu aron mahimong atong kinabuhi ug persona, mao ang atong paglaom sa himaya.
  2. Inig-abot Niya, himayaon ta diha Niya.
  3. Nagpasabot kini nga suropan ni Cristo nga nagpuyo sa sulod nato ang tibuok natong pagkatawo aron mausab ang dagway sa atong lawas ug masama sa lawas sa Iyang himaya.
- C. Sa Colosas daghang mahinungdanong pamulong ang nagpakita sa kasinatian nato ni Cristo:
1. “Si Cristo nga naa ninyo”—v. 27.
  2. “Hingkod na diha ni Cristo”—v. 28.
  3. “Paggawi mo diha Niya”—2:6.
  4. “Uyon ni Cristo”—v. 8.
  5. “Gibuhi mo Niya pag-usa uban Niya”—v. 13.
  6. “Namatay na mo uban ni Cristo”—v. 20.
  7. “Magpabilin sa Ulo”—v. 19.
  8. “Gikan Niya”—v. 19.
  9. “Nagtubo sa pagtubo sa Dios”—v. 19.
  10. Naghatag natog kompletong hulagway kining mga pamulonga sa hustong pagsinati nato ni Cristo.
  11. “Sa misteryo sa Dios, nga si Cristo nga diha Niya natago ang tanang bahandi sa kaalam ug kahibalo”—vv. 2-3:
    - a. Naghisgot ang Colosas sa misteryo sa Dios, nga mao si Cristo nga Ulo.
    - b. Natago diha ni Cristo ang tanang bahandi sa tinuod nga kaalam ug kahibalo—v. 3.
    - c. Kini ang espirituhang kaalam ug kahibalo sa diosnong pamatigayon bahin ni Cristo ug sa iglesia.
    - d. May kalabotan sa atong espiritu ang kaalam, ug may kalabotan sa atong salabotan ang kahibalo—Efe. 1:8, 17.
  12. “Nagpuyo diha Niya ang tanang kahupnganan sa Dios sa lawas gyod, ug gipuno mo diha Niya”—Col. 2:9-10:
    - a. Ang nagpuyo diha ni Cristo dili ang kadato ra sa Dios kondili ang pagpadayag sab sa kadato sa pagkamao sa Dios.
    - b. Nagpuyo ang tanang kahupnganan sa Dios diha ni Cristo nga dunay lawas sa tawo.
- D. “Busa kon gibanhaw mo uban ni Cristo, tinguhaa ang mga butang nga tua sa itaas, nga naa si Cristo, naglingkod sa may tuong kamot sa Dios”—3:1:
1. Nagpasabot ang mga versiculo 1 hangtod sa 4 nga diha ni Cristo usa ray

atong posisyon, usa ka kinabuhi, usa ka pagkinabuhi, usa ka dangatanan, ug usa ka himaya.

2. Ang Dios sa mga langit gyod untay ginsakpan sa atong pagkinabuhi; uban ni Cristo magkinabuhi gyod ta diha sa Dios.

## **II. “Magpabilin sa Ulo, nga gikan Niya ang tibuok Lawas, nga madagayaon gyong gisangkapan..., nagtubo sa pagtubo sa Dios”—2:19:**

- A. Ang motubo kana mang madugang si Cristo sa sulod nato—1 Cor. 3:6-7; Gal. 4:19.
- B. Nag-agad ang pagtubo sa Lawas sa naggikan ni Cristo nga Ulo—Efe. 4:15-16:
  1. Masangkapan ngani ang Lawas pinaagi sa pagpabilin sa Ulo, magtubo ang Lawas sa pagtubo sa Dios—Col. 2:19.
  2. Nagtubo ang Lawas gikan sa Ulo, kay gikan man sa Ulo ang tanang sangkap—Efe. 4:15.
- C. Nag-agad ang pagtubo sa Lawas sa pagtubo sa Dios, sa pagkadugang sa Dios, sa sulod nato—Col. 2:19:
  1. Nagpatubo ang Dios pinaagi sa subjectibong paghatag sa Iyang kaugalingon kanato.
  2. Labi nga madugang ang Dios sa sulod nato, labi ta Niyang patuboon; kini ang paagi sa pagpatubo sa Dios—1 Cor. 3:6-7.
  3. Ang Dios ray magpatubo; ang Dios ray makahatag sa Iyang Kaugalingon kanato, ug kon wala Siya, dili ta motubo—vv. 6-7:
    - a. Ang pagdugang og Dios sa sulod nato mao ang pagpatubo Niya.
    - b. Sa pagkatinuod nagpasabot ang pagpatubo sa Dios kanato nga gihatag Niya ang Iyang Kaugalingon nato—Rom. 8:11.
- D. Ang pagtubo sa Lawas mao ang pagtukod sa Lawas—Efe. 4:16; Col. 2:19:
  1. Dunay espesyal nga luna ang Efeso 4:12-16 sa Bag-ong Tugon kay nagpakita kini sa misteryo kalabot sa pagtukod sa Lawas ni Cristo.
  2. Ang pagtubo sa Lawas ni Cristo maoy pagtubo ni Cristo diha sa iglesia, nga mosangpot sa pagtukod sa Lawas pinaagi sa Lawas mismo—3:17a:
    - a. Kon mosulod si Cristo sa mga balaan ug mabuhi sa sulod nila, mahimong iglesia ang Cristo nga naa sa sulod sa mga balaan—Col. 3:10-11.
    - b. Nagtubo ang Lawas ni Cristo sa pagtubo ni Cristo sa sulod nato ug natukod sa ingon niini—1:18; 2:19.
  3. Ang gugma nga nagtukod sa Lawas sa iyang kaugalingon dili man atong kaugalingong gugma kondili gugma sa Dios diha ni Cristo, nga nahimong gugma ni Cristo sa sulod nato, nga pinaagi niini gihigugma nato si Cristo ug ang mga masigka-bahin nato sa Iyang Lawas—1 Juan 4:7-8, 11, 16, 19; Rom. 5:5; 8:39:
    - a. Ang gugma mao ang sulodnong pagkamao sa Dios; kon mosulod ta sa sulodnong pagkamao sa Dios, makapahimulos ta sa Dios ingon nga gugma ug makapahimulos sa Iyang presensya diha sa katam-is sa diosnong gugma, ug sa ingon niana mahigugma sa uban ingon sa paghigugma ni Cristo—Efe. 5:25.
    - b. Niini gyong gugmaha gikuptan nato ang kamatuoran, sa ato pa, si Cristo ug ang Iyang Lawas, ug naampingan ta nga dili maimpluwensyahan sa epekto sa mga hangin sa pagtulon-an ug sa pagpasulod og mga elemento nga lahi o dili iya sa Lawas—4:14-15.